

SECTION

4

KOKORE SɛGEBO BEGɛ



BEGE NAŊ BE DAGAARE KOKORE SEGEBO POO

KYEYUOBU

A weleme ŋa gyele la Dagaare kokore segebo begɛ. Te na de la kyaare a begɛ ama naŋ kyaare yuori yelbie, eroŋ yelbie, yoleere ane bigruu yelbie. A begɛ ama la na soŋ fo de a, yuori yelbie, eroŋ yelbie, yoleere ane bigruu yelbie toŋ ne toma. A begɛ ama meŋ be la Bɔrefo poo.

A yelzu ulee ŋa zannoo baaroo zaa ka fo na tɔo

1. De yuori ne yoleere begɛ sege ne yeɛ
2. De bigruu begɛ sege ne yeɛ
3. De eroŋ ne eronwulluu begɛ sege ne yeɛ

Zannoo yelbulo

- Yuori yelbiri maŋ toŋe la ere, etere, ekyaara, bigruu bee yelɲmaa poo yelzu toma.
- yoleere meŋ maŋ toɔ toŋ la ere ane etere toma yeɛ poo.
- Bigruu yelbie maŋ pege la yuori yelbie A maŋ tu la a yuori yelbiri yeɛ poo.
- Eroŋ wulo la yeɛ naŋ ere yeɛ poo.eroŋ yelbie ba taa yageroŋ Dagaare poo.
- Eronwuluu maŋ pege la eroŋ yelbie ane o tɔ eronwuluu.

YELBULO

Yuori yelbie

Te da di la deme kyaare ne yuori yelbie . Te da pore la a yuori yelbie yeldemanne mine a kye di deme kyaare ne a yuori yelbie pareɛ.

Teerɔŋ soorebiri: fo naŋ baŋ lee teere la yuori yelbie parɛɛ? Sɛge a biŋ.

Yuori yelbie la nensaalba yoe,ziiri yoe,donne yoe ane boma yoe. Gbɛɛ yaga a seŋ ka yeɛ maŋ taa yuori yelbiri bonyeni. Yoe maŋ baŋ piili ne la “a”,

Yoleere yelbiri e la yelbiri naŋ maŋ leere yuori yelbiri zu aseŋ o, fo, N, ba, bama amk. A naŋ baŋ waa la yuori yelɔmaa. Kyelle kyɛ : Gbɛɛ yaga Dagaare kɔkɔre poɔ yoleere ba wullo dɔɔloŋ bee pɔgelɔŋ. Lɛ kaa waa ko a Dagaare kɔkɔre poɔ? E ka fo ne a karema di demɛ kyaare ne fo peere nyerre.

A zaannoo ŋa poɔ te na di la demɛ kyaare ne yuori yelbie ane yoleere segebo bege

Toma

Ye kaa a sini kyɛ de ye yelnyerre naŋ wullo yuori yelbie tontonne wuli ye taaba.

[function of nouns YouTube video - \(https://www.youtube.com/watch?v=rURutv7N_ns\)](https://www.youtube.com/watch?v=rURutv7N_ns)

Ye pãã de a anaŋ ye naŋ kaa a sini nye mane ne a ama naŋ tu.

Begɛ/ Tontonne

Yuori yelbiri naŋ waa erɛ.

1. Begɛ na te naŋ maŋ tu kyɛ de yuori yelbie maale ne yeɛ e la tɛtɛɛ Ghana kɔkɔrɛɛ poɔ. Gbɛɛ yaga ,yoe maŋ:

- a. E la **erɛ** yeɛ poɔ

Yoe yelbie Dagaare kɔkɔre poɔ maŋ be la erɛ areziiri. A waa la yelbie naŋ maŋ piili yeɛ kɔkɔre poɔ gaŋ a zaa yeɛ na naŋ maŋ wullo Ere Eroŋ Etere tutaaloŋ.

Aseŋ:

- i. Ayɔɔ gaaɛ ŋmendie.
- ii. **Gama** daaroŋ e la tuo
- iii. **Yeŋ** la meŋɛ nyaabo sobiri

A saazu yeldemannewulli poɔ te na nye la yuori yelbie **Ayɔɔ,gama** ane **yeŋ** naŋ are a erɛ arezie

- b. Yuori yelbiri naŋ waa etere (etere bee ekyaara)

Yuori yelbie maŋ toŋ la etere toma yeŋe poɔ. A etere na baŋ waa la ekyaara.

Aseŋ:

- i. Te dae Ayuo **a gane**.(etere)
- ii. N da de la a magedalee ko **Prince**. (ekyaara)
- iii. Dabuo ko la Dakoraa **kyɔɔtaa**. (etere)
- iv. Soŋ dae kyɔɔtaa ko **Hena**. (ekyaara)

Yoe yelbie maŋ tɔɔ toŋ la pegebo toma (a Ghana kɔkɔe mine poɔ). A ŋa waa la yuori yelbiri naŋ maŋ pege o yuori yelbiri tɔ.

Aseŋ:

- i. A **oreba** laa be la Dere zie.
- ii. A **sakuuri** dendɔre pɔgeɛ la.
- iii. Ba dae **boɔ** woɔ.

Yuori yelŋmaa yelzu: yuori yelbiri meŋ na baŋ waa la yuori yelŋmaa yelzu.

Aseŋ:

- i. **Magedalee** daaroŋ tuo.
- ii. A **die** tole la.
- iii. Te be la **yiriŋ**
- iv. A **yiri** da le la zene

Kyelle kye: bege na te naŋ maŋ tu kye de yoleere yelbie maale ne yeŋe e la teeteɛ Ghana kɔkɔe poɔ.

Gbee yaga,yoleere maŋ tona la:

Ere toma yeŋe poɔ.

Aseŋ:

- i. N gaaɛ sakuuri.
- ii. **Te** maŋ kaa la sini bebiri zaa
- iii. **Ba** lae ne popeeloŋ

Yoleere meŋ maŋ toŋ la etere toma yeŋe poɔ (etere bee ekyaara) kaa a ama naŋ tu a puliŋ:

- i. Tampuori nye **o** la. (eterɛ)
- ii. Dɛrɛpɔge de la a magedalee ko **o**. (**ekyaara**)
- iii. Dɛrɛpɔge ko **o** la a magedalee, (ekyaara)
- iv. Te karema ko **te** la yiri toma. (eterɛ)

If this is not a rule in your language of study, discuss the rule as it pertains to your Ghanaian language of study. Add to the rules above as they pertain to your Ghanaian language of study.

A Ghana kɔkɔɛ mine pɔɔ yoleere ne eroŋ maŋ mare la taa a waa yelbiyeni(aseŋ,Ga, Asante Twi pɔɔ) .

Toma

1. Wuli yuori tɛgɛ kyɛ pore yeldemannewulli mine ka a ta pie (10). De a nɔ-iraa wuli a karendie biiri zaa.
2. Yɛ zɛŋ gbulo a sɛge yuori yelbie tontonne ayi. Yɛ laŋ ne a gbuli kaŋa a di demɛ.
3. Wuli yoleere tɛgɛ kyɛ pore yeldemannewulli mine ka a ta pie(10). De a nɔ-iraa wuli fo taaba.
 - a. Kanne a yelyagesɛgeraa ŋa naŋ tu a puliŋ kyɛ ka gbuli zaa maŋ kaa iri yuori ane yoleere yelbie.
 - b. De a yuori yelbie na fo naŋ kaa iri maale ne yelkparema anuu. E ka fo ne fo taaba di demɛ kyaare ne a nɔ-irri.
 - c. De yoleere mine ata fo naŋ kaa iri maale ne yeɛ. E ka fo ne fo taaba di demɛ kyaare ne a nɔ-irri.

Baare

Baare e la donne mine a andonɛɛ zaa naŋ baŋ ka a e nensaaleba zɔmenne. A maŋ eɛ boore-tɛtɛɛ, gyogi tɛtɛɛ, waalonɔ tɛtɛɛ, ane meeronɔ tɛtɛɛ. A eɛ dongbɛɛ-anaare naŋ yi mɔbaa boorɔ pɔɔ. Dakoronɔ saŋa demɛ la da de mɔbaare tona ne naãkpãã toma ka a lee yiri donne a tuuro noba. A tu la a noba tuubu ŋa pɔɔ a milli noba. A maŋ toɔ baŋ la nensaala enkyere tɛseŋ; nɔmmo beɛ popɛle. Azuiŋ a zoro la nensaala posaã a meŋ maŋ tɔɔ wuli ka a baŋɛ la. Gaŋ a zaa, baare wono la nyuu yaga. Boŋ zaa nyuu ba para baa.. A toori meŋ wono la gaa tɔɔre. Dɔɔne zaa ba para baa toori. Boŋ naŋ so kaa baa yeɛ soma yaga la, fo naŋ baŋ wuli la baa ka o baŋ a tɔɔ e yeɛ ko neɛ. Baare naŋ nye wulibu na baŋ de la zɔŋa wɛɛ ka o gaa

zie. Baa naŋ nyɛ wulibu na baŋ moore ko la neɛ naŋ nyɛ posaanaa. Baare maŋ soŋ la ka te bɔ yelsɔgelaa kaŋ naŋ wono te kyɛ ka maasumo koŋ baŋ nyɛ a ka te nyɛ mmaaroŋ. Ane a ama zaa ka baa taa la tɔna yaga ko te, kyɛ baa ba taa nyɔvorwogi. Baa koŋ baŋ pare yuomo pie te ta pie ne anuu. A yi a baare tonsonne puori, baa e la doŋa kaŋa nensaalaa naŋ nɔŋ a andonɛ lombori zaŋ.

Toma

1. Wuli yelbie na a sɔɔmaa naŋ tɔɔne a parɛ tontonne. De fo nɔ-irri manne ne fo taaba deme.
 - a. A karembiiri na zuri naŋ dire vũũ tue sori zaameŋ.
 - b. N ko la Eden libie.
 - c. A karema sɛgɛɛ a dankyin-sɔglaa zu.
 - d. Ba gaaɛ Navrongo
 - e. A lɔ-kpeerebe daɛ boroboro ko o

LEEPEROO SOOREBIE

1. De fo meɗa yelbie manne wuli ne yuori pegeraa. De a yeldemannewulli ayi wuli fo to.
2. Fo karema na ko ye la yelyagesegraa kaɗa ziiri mine naɗ ba tori. Kanne a yelyagesegeraa na a fo karema naɗ ko ye a wuli a ziiri na naɗ ba tori
3. Di demɛ kyaare yoleere eterɛ ane yoleere ekyaara Dagaare poɔ. De manne ne kokore kaɗa fo naɗ zanne bee baɗ.
4. Wuli yuori yelbie anuu naɗ tona aɗa yelɗmaara yelzuri yeɗe poɔ a Dagaare poɔ. Di demɛ kyaare a.
5. Ye zeɗ bayirri, sege yeɗe anuu yoleere naɗ waa ere kye di demɛ a nye ka a ere ne a eroɗ sege laɗ la taa a waa yelbi-yeni. De manne ne kokɔ-yobo naɗ be a karendieɗ, kye di demɛ

EXTENDED READING

1. Fromkin, V. & Rodman, R. & Hyams, N. (2007) Introduction to Language. (Eighth edition) Thomson Wadsworth.
2. Click on the link below for a video on noun functions in English grammar.
[Noun Functions in English Grammar with Examples](#)

YELBULO

Fo da zanne la yeƐ kyaare bigruu. Ye zen gbulo a de bigruu yelbie maale ne yeƐ ata ka a bigre a ama naŋ tu.

- a. Fo karendie
- b. Fo zomeŋe
- c. Fo sakuuri gbaŋgbale
- d. Fo yideme

Bigruu e la yelbiri naŋ maŋ pege yuori yelbiri bee a wuli yuori yelbiri waaloŋ. Bigruu yelbie maŋ wullo nee bee boŋkaŋa waaloŋ.

Aseŋ:

- a. Dabuo naŋ la yi-kore
- b. A doolee e la wogi baalaa.
- c. Ayoo kyele gaŋ o yoodoo.

A (a) poɔ, yelbiri *kore* wullo la yiri booro a yelyele naŋ naŋ. A (b) poɔ a yelbie *wogi* ane *baalaa* wullo la a doolee meeroŋ. Ka a (c) poɔ meŋ *kyele gaŋ* wullo la le Ayoo naŋ baŋ yeŋ gaŋ o yoodoo

Bigruu begɛ/ tontonne

Begɛ na te maŋ tu kye de bigruu yelbie maale ne yeƐ waa la tɛtɛɛ ayi Ghana kɔkɔre kaŋa ne o tɔ.

Bigruu begɛ/tontonne yerɛɛ naŋ be Ghana kɔkɔe poɔ

1. O maŋ pege la yuori yeƐ poɔ. Aseŋ:
 - a. A wiri soŋlaa zo la yaga gaŋ a wie anaŋ.
 - b. N nye la yi-kpoŋ
2. A maŋ tu la yuori yelbiri anaŋ pege yeƐ poɔ.

Aseŋ:

- a. A yi-ŋmaŋnyaŋa na le la.
- b. A poŋe-kpoŋ kuli la.

Fo meŋ da zanne la a bigruu yelbie daare naŋ pare. A yeldemanneulli mine la ama naŋ tu:

De bigri tɛɛ-wulli maale ne yeɛ

- a. A lɔɔre ŋa e la paalaa
- b. N saa yiri la a *onan*

De manne taa bigruu maale ne yeɛ

- a. A bondiraa ŋa e la *mɔɔ gan*.
- b. Fo libie e la *fɛɛ gan* N deme.

De yagroŋ bigruu yelbie maale ne yeɛ

- a. N daɛ mui *mine*
- b. Gama *yaga* be la a daga poɔ

De meeroŋ bigruu yelbie maale ne yeɛ

- a. A lɔɔre *koreɛ* la.
- b. A bondirii *veɛɛ* la

Please note: State the rules governing how adjectives are used in your Ghanaian language of study.

Toma 1

1. Kaa a bigruu yelbie ama naŋ tu a puliŋ. De a maale ne yeɛ. Ka fɔɔ na tɔɔ, maale yelkpara bee yel-leremeɛ.
 - a. Soŋ
 - b. Tiiruŋ
 - c. Kuonaa
 - d. Koro
 - e. Maloo
 - f. Laane
 - g. Kalakala
 - h. Kpeeŋaa
 - i. Fulofulo
 - j. Kyaane

2. Vɛɲ ka fo ne fo tɔ zanne a fo yeldemannewulli. Boɲ ka yɛ nyɛ? De a fo peere nyere wuli fo taaba.

Toma 2

1. Sege bigruu yelbie pie.
2. De a bigruu yelbie anuu maale ne yelɛ ka a tu a ama
 - a. Yeldaa
 - b. Yelkpara
 - c. Yel-lereme
3. Di demɛ kyaare begɛ na te naɲ maɲ tu a de bigruu yelbie maale ne yelɛ Dagaare kɔkɔre poɔ. De a bigiruu yelbie na fo naɲ sege toɲ ne toma.

LEEPEROO SOOREBIE

1. Kanne a yelyagesegeraa ɲa naɲ tu velaa, kyɛ bɔ bigruu yelbie pie o poɔ.
 Noba yaga piili banna la lenɛɛ te yel-erre naɲ saana a paaloɲ tentere. A seɲ ka te de a te tentere zu kaabo ne nimizeɛ zaa. Kyɛ, noba fẽẽ mine meɲ bebe la a ba baɲ a te tentere zu kaabo baare. Te mine бага kyebe, a zuɲ ka a te tensere saamo gere niɲe. Aseɲ; sagere kyir-bare zie, orebare bone-lɔɔra bara, amk. Ka a yeli ɲa ba bare, kyɛ daare kaɲa te yaɲmine daɲ na nyɛ la dɔgroɲ kaɲa naɲ yi te bakyelloo zie. Azuiɲ, a e la nimizeɛ ka maa ne foɲ de gbere a faa a tensere bare. Te ferebo toma la ka te kaara a tensere ɲa naɲ e ɔmen-koobo o naɲ bare ko te. A tensere ba-kaabo ɲa wa ne la kɔmpiiri te tenne poɔ ane weɛ boma naɲ ba maala soɲ. amk.
2. De a bigruu yelbie naɲ be a sɛgere poɔ maale ne yellereɛ pie.

EXTENDED READING

1. Adomako, K., Odoom, J. and Sackitey, M. (2023). *Akan kasa nhyehyɛɛ wɔ Asante Twi mu*. Adonai Publications Limited (Topic on verbs, nouns and adjectives)
2. Amegashie, S.K. (2004). *Evegbe ɲɔɲɔ*. Aflao: Victus Printing Services, Market Square
3. Fromkin, V. & Rodman, R. & Hyams, N. (2007). *Introduction to Language* (Eighth edition). Thomson Wadsworth. (topic on verbs, adverbs, nouns and adjectives)
4. Joshi, M. (2021). *Nouns in the English Language: Types and examples*. Manik Joshi. (Topic on nouns)
5. Thakur, D. (1998). *Linguistics simplified: Syntax*. Delhi: Bharati Bhawan. (open word class which are nouns adjectives, verbs and adverbs)

YELBULO

Ka foon na de eron bee eronwuloo yelbie maale ne yeɛ, beɛ mine bebe la naŋ seŋ ka te tu. A beɛ ama la maŋ soŋ ka a yeɛ kyaane, a taa pare, a kyɛ soŋ ka a kannema wuli ba teeron a segere poɔ. A beɛ ama tuubu maŋ soŋ la ka segere taa pare bammo a kɔkɔreŋ.

Eron yelbiri

Sere ka te piili ne a eron segebo beɛ, ka te lee teere bone naŋ la eron yelbie. Kaa a yeɛ ama naŋ tu. A yelbie na naŋ kyaane la a eron yelbie;

1. A koɔraa maŋ **kyɛ** la teere koɔbo saŋa zaa.
2. A sakubiiri maŋ **gaa** la sakuuri bebiri zaa.

Eron yelbiri bee eron yelɔmaa la yelbiri naŋ bigre yeli naŋ e. A eron maŋ la a yelgbɔge yieme yelzu.

Bege te naŋ maŋ de eron yelbiri sege ne yeɛ

A segere beɛ mine te naŋ maŋ de eron yelbiri sege ne yeɛ waa la teeteɛ a Ghana kɔkɔreɛ poɔ.

A beɛ mine la a ama:

1. A eron yelbiri la maŋ wuli bone na a ere naŋ ere.

Aseŋ:

- a. A baa **wuoli** la a yiriŋ.

A yelbiri wuoli la wulo bone na a baa naŋ ere.

- b. A sakubie maŋ **zoŋ** la kuriwiri bebiri zaa.

A yelbiri zoŋ la wulo bone na a sakubie naŋ ere.

2. Eron yelbiri maŋ wuli la a ere waalon yeɛ poɔ.

Aseŋ:

- a. Bayɔɔ poɔ **pɛɛɛŋ** a e-nye baaraaŋ.

A eron, **pɛɛɛŋ**, la wulo a Bayɔɔ waalon,

3. Eronɔ maŋ la a yelgbɔge yieme yelizu.

Aseŋ:

- a. A lɔbile **zoe** wiẽou.

A eronɔ yelbiri zoe la a yelgbɔge “**zoe wiẽou**” yelizu.

- b. A dɔɔ **gaa** la daa.

A eronɔ yelbiri **gaa** la a yelgbɔge yieme yelzu a yeɛ poɔ.

Please note: There are some other rules of writing verbs that are Ghanaian Language specific. Some examples are as follows:

4. A Ghana kɔkɔrɛɛ mine poɔ, ka yoleɛrɛ waa erɛ, o ne a eronɔ ba maŋ sege lantaa ka o e yelbiriyeni. Kyɛ ka a mine meŋ, ka a lantaa. Dagaare poɔ, a maŋ wele la.

Aseŋ:

- a. O di la bondirii

A yeɛ ɲa poɔ, a yoleɛrɛ **O**, are la o yonɔ ka **di**, meŋ are o yonɔ

- b. Ba daɛ boɔ.

A yeɛ ɲa poɔ, **ba**, are la o yonɔ ka **daɛ**, meŋ are o yonɔ.

5. A Ghana kɔkɔrɛɛ mine poɔ, ka a yoleɛrɛŋ waa a erɛ, a yoleɛrɛ ne a eronɔ maŋ laŋ la taa e yelbiriyeni. (a ɲa ba be Dagaareŋ)

Please note: The rules should be treated as applicable to your Ghanaian language of study.

Toma 1

De fo meŋa yelbie mane wuli bone naŋ la eronɔ yelbiri. Pore eronɔ yelbie pie mine.

Toma 2

De a eronɔ yelbie na fo naŋ pore maale ne yeɛ anuu eŋe a yeɛ pareɛ ama poɔ:

- a. Yeldaa
- b. Yelkparema
- c. Yel-lerema.

Toma 3

Kaa a yelbie pie ama naŋ tu. De a maale ne yeɛ. ka foŋ na tō, maale yelkparema bee yel-lerema. A yeɛ zaa wullo la ere gara tegitegile. A na baŋ leere la ka a ereŋ leere.

- a. Tanne
- b. Tuo
- c. Nɔŋ
- d. Nyuu
- e. E
- f. Gbare
- g. Zanne
- h. Ha
- i. Sege
- j. Maa eŋe

Pãã e ka fo ne fo tɔ di demɛ kyaare a yeɛ na zaa fo naŋ sege meeroŋ. A fo yeɛ ne a bege fo naŋ pore kpɛ la taa? Wuli a fo yelnyerre ko fo taaba.

Toma 4

- a. Wuli eroŋ parɛɛ zaa te naŋ zanne.
- b. A eroŋ parɛɛ ama zaa poɔ, wuli eroŋ yelbie anuu anuu kyɛ de bonyeni boyeni a parɛɛ na zaa poɔ maale ne yeɛ.

A ye gbulo poɔ, manne wuli bege na te naŋ maŋ tu kyɛ de eroŋ yelbie maale ne yeɛ.

Aseŋ:

- a. Ka yoleeroŋ are ere zie yeɛ poɔ.
- b. Ka a yoleeroŋ are etere zie yeɛ poɔ.

Eronwuluu

Te zanne la bege na zaa te naŋ maŋ tu a sege yeɛ ne eroŋ yelbie. Ka te pãã kaa bege na te naŋ na tu kyɛ de eronwuluu maale ne yeɛ.

Fo naŋ teere la bone naŋ la eronwuluu?

Eronwuluu la yelbiri naŋ bigire eroŋ bee o tɔ eronwuluu yeɛ poɔ. A maŋ bigire la, **wagre, zie, etaabo zie amk.** Eronwuluu ba naŋ de maale ne yeɛ mine la a ama naŋ tu:

1. Ba wa la **kyɛ** (zie)
2. Te taɛ a zie **gbelin-ayopoi** saŋa. (wagere)
3. A boɛ **ɲmeereba ɲmɛ** ne la **popɛɛloŋ** (etaabo zie)

A eronwuluu yelbie a yeɛ ama poɔ la **kyɛ, gbelin-ayopoɛ** ane **popɛɛloŋ**

Bege/ tontonne

A bege na fo naŋ maŋ tu kyɛ de eronwuluu maale ne yeɛ eɛ tɛtɛɛ a Ghana kɔkɔɛ poɔ. Bege/ a tontonne mine la a ama:

1. Eronwullu maŋ la a yelizu eronwuluu yelɲmaa poɔ.
Aseŋ:
 - a. A dɔɔ yeli la **gboligboli yaga**;
 - b. A yeli da **baarɛɛŋ tontobaa**.

A yeɛ ayi ama poɔ, gboligboli ane tontobaa e la eronwuluu yelɲmaare kyɛ la toŋ eronwuluu yelɲmaare yelizu toma.

2. A maŋ toŋ la eronwuluu bigiru toma.
Aseŋ:
 - a. Ba maŋ deɛŋ la **velaa yaga**
 - b. A karembiiri toŋ la **soŋ te pare**

A yeɛ ama poɔ, a eronwuluu, **yaga**, bigire la a eronwuluu **velaa**. Kyɛ ka **te pare** meŋ bigire **soŋ** a yeɛ ayi soba poɔ.

3. Adverbs can be joined to any other word class and written as one word. (*Discuss as applicable in your Ghanaian language*).

Toma 1

- a. A ye gbuli poɔ ye wuli bone naŋ la eronwuluu. Ye de a ye no-iri manne ne a gbulo anaŋ na deme.
- b. Wuli eronwuluu pie (10) Dagaare poɔ.

Toma 2

1. De a yeldemannewulli naŋ be a (a) poɔ a maale yeɛ anuu anuu eŋ a yel-paraɛ ama naŋ tu poɔ:
 - a. Yeldaa
 - b. Yelkparema
 - c. Yel-lerema

Toma

1. Kaa a eronwuluu pie ama naŋ tu. De a maale ne yeɛ. Ka foŋ na tɔɔ, maale yelkparema bee yel-lerema.
 - a. Gboligboli
 - b. Zene
 - c. Kyɛ
 - d. Veɛɛ
 - e. Wieou
 - f. bieo
 - g. Yeŋeŋ
 - h. Gbɛɛ yaga
 - i. Puli
 - j. pampana

LEPEEROO SOOREBIE

1. Kanne a segere ŋa velaa kye wuli a eroŋ yelbie ne eronwuluu yelbie zaa.

Ba naŋ da moɔ nimiri ere ka ba baare a toma, ba da la lee peere la a toma zaa ba naŋ toŋ. Ba e la a ŋaa ka ba nye ka yeli zaa arɛɛ o aroozie velaa. Ba pãã da de la en-nyage a eŋe a toma bonso ba sage la ka ba da toŋ la tonsoŋ naŋ seŋe neŋ. A karema da kaa la a toma nene kye gɔgere zu, a wullo ka a toma toŋ la soŋ. A karembiiri da taa la popeelonŋ ne emmaaronŋ, ka ba enne yuoro ne ba naŋ toŋ ka a ta.

2. De a eroŋ ne a eronwuluu yelbie na fo naŋ nye a maale ne yeɛ anuu anuu. De a bege na zaa fo naŋ zanne toŋ ne toma.

EXTENDED READING

1. Owu-Ewie C. (2020). *Mfantse kasa ngyegyee na kasa mbra ho adzesua buukuu ma nsowdo skuul esuafo*. Shine Prints Company Limited.
2. Ago, S.A. (1992). *Agoo*. Ghana Publishing Company.
3. Amartey A.A. (1966). *Omanye aba*. Bureau of Ghana Languages.

REFERENCES

1. Haspelmath, M. (2001). Word classes and parts of speech. *In International Encyclopedia of the Social and Behavioral Sciences* (pp16538-16545). Doi:10.1016/Bo-08-043076-7/02959-4
2. Lier, E. V. (2024). *The Oxford handbook of word classes (oxford handbook)*. Oxford University Press.
3. Miguel, J., M. G. (2015). *Transitivity and word classes*. <https://doi.org/10.1075/ivitra.9.13gar>
4. Prempeh, A. A. (2021). *Asante Twi Nyansapɔ*. Premsco Publications.
5. Simone, R. & Masini, F. (eds). (2014). *Word classes (Current issues in linguistic theory)*. John Benjamins Publishing Company.

ACKNOWLEDGEMENTS



Ghana Education Service (GES)

